

SARS KONDIG R1 216.6 MILJARD VOORLOPIGE INKOMSTE-UITSLAG AAN

Pretoria, 3 April 2018 - Die Suid-Afrikaanse Inkomstediens (SARS) kondig graag aan dat dit 'n bedrag van R1 216.6 miljard in die 2017/18 finansiële jaar ingevorder het. Daar moet kennis geneem word dat hierdie voorlopige uitslae is wat aan 'n finale oudit onderhewig is. SARS het 'n bruto bedrag van R1 451.0 miljard ingevorder wat teen terugbetalings van R234.3 miljard verreken is en netto invorderings van R1216.6 miljard as resultaat het.

Die inkomste uitslag is R0.7 miljard (0.06%) minder as die voorbeskoude aangepaste skatting wat deur die minister van finansies aangekondig is gedurende die Februarie 2018 begrotingsrede. Dit verteenwoordig 'n groei van R72.4 miljard (6.3%) vergeleke met die 2016/17 finansiële jaar.

Inkomste-invordering word deur die toestand van die ekonomie, die fiskale beleidskeuses, administratiewe doeltreffendheid en belastingpligtige-nakoming of belastingmoraliteit gedryf. Hoewel die prestasie van enige belastingadministrasie deur die ekonomie vooropgestel is, is ander sleutelbepalings sake- en verbruikersvertroue, belastingmoraliteit en die geloofwaardigheid van die belastingadministrasie.

Die 2017/18 finansiële jaar was gekenmerk deur uitdruklike en duidelik afgebeelde groeipatrone. Tot en met Desember 2017, het algehele inkomste met 6.2% jaar-op-jaar gegroei. Vir die tydperk van Desember tot Februarie 2018, het inkomste-groei, op 'n maand-tot-maand basis versnel tot tussen 9.5% en 15.5%, wat algehele jaar-op-jaar groei versterk het tot omtrent 7.3%. Hierdie versterking in inkomste-groei gedurende hierdie drie maandetydperk kan toegeskryf word aan:

- 'n Verbetering in sakevertroue tot vlakke wat laas in 2015 opgemerk was, het verbeterde winsvooruitsigte en gevolglik voorlopige betalings gelei;
- Styging in kommoditeitspryse, wat maatskappye inkomstebelasting gedryf het, veral in die mynsektor in Desember 2017;
- Die aankoopbestuursindeks (PMI) wat 'n herstel in die vervaardigingsektor getoon het, wat tot verbeterde maatskappye inkomstebelasting (MIB) vanuit hierdie sektor gelei het.
- Die sterker geldeenheid gedurende die laaste deel van 2017 het maatskappye met invoere gehelp, wat tot die voordeel van ons handelsbelasting was.

Die stadiger herstel in verbruikersvertroue het laer binnelandse BTW tot gevolg gehad. Gevolglik het binnelandse BTW teen 'n gedempte koers van 4.5% gegroei, ver onder die 8.1% groei in die vorige jaar gemeld. Sakevertroue sal nog oorsit na hoër werksyfers en noemenswaardige groei in die loonrekening. Gevolglik het werknemersbelasting (LBS), die grootste bydraer tot die SARS-belastingportefolio, ingekom teen 8.6%, wat merkwaardig onder die 9.2% vlakke in die vorige twee jare is.

Inkomste-invorderings, op 'n maand-tot-maand basis, het in Maart 2018 saamgetrek, wat die algehele jaarlikse groei tot 6.3% afgedryf het. Dividende belasting het met R3.9 miljard saamgekrimp vergeleke die vorige jaar. In die vorige jaar, het maatskappye 'n verhoging in dividende belasting vooruitgesien, wat verander het van 15% tot 20% met intrede 22 Februarie 2017, en het besonderse hoë dividende verklaar. As gevolg van die verkorte sakemaand in Maart, moes Doeane hul state twee dae vroeër sluit, wat nagenoeg R1.8 miljard na die volgende finansiële jaar geskuif het. Binnelandse BTW vanuit groot ondernemings het traag ingekom in Maart 2018, wat 'n afwyking was van die groeibaan wat deur die loop van die jaar gestel is.

Die hoofbronne van inkomste wat tot die R1 216.6 miljard gelei het, was Persoonlike Inkomstebelasting (PIB), Belasting op Toegevoegde Waarde (BTW) en Maatskappye Inkomstebelasting (MIB).

- PIB het R462.5 miljard (38.0%) bygedra
- BTW het R297.8 miljard (24.5%) bygedra
- MIB het R220.2 miljard (18.1%) bygedra
- Doeane het R49.4 miljard (4.1%) bygedra

Elke jaar stel SARS omvattende inisiatiewe in werking om inkomste-invordering te optimaliseer. Die korttermyn Spesiale Vrywillige Blootleggingsprogram, wat ingestel is om belastingpligtiges die geleentheid te bied om oorsese rykdom te verklaar, het R2,9 miljard in belasting in die finansiële jaar ingebring uit 827 geprosesseerde SVBP-aansoeke van die 2024 aansoeke wat ontvang is. Die voortgaande Vrywillige Blootleggingsprogram presteer voortdurend goed en het sedert 2012, toe die VBP in werking gestel is, R10.8 miljard ingebring.

SARS het meer as R0.8 miljard ingevorder uit die nasionale Prominente Individue in die Sakebedryf-projek. Hierdie inisiatief was ontwikkel om 'n eind-tot-eind oorsig van 'n belastingpligtige se sakeprofiel te verseker en gevolglik sy/haar belastingnakoming.

Met die aanroep van paragraaf 19(3) van die Vierde Bylaag van die Wet op Inkomstebelasting, kan SARS bykomende betalings van voorlopige belastingpligtiges versoek gebaseer op die onlangste skattings van finansiële prestasie. Hierdie jaar het SARS R10.7 miljard ingevolge paragraaf 19(3) ingevorder.

Vir enige belastingowerheid, is belastingnakoming een van die sleutelbepalings van sy inkomsteprestasie. SARS het 'n afneem in nakoming waargeneem, aangedui uit die algehele groei in uitstaande opgawes oor alle belasting heen. Meer kommerwekkend, is egter die toenemende neiging van besighede om belasting, soos BTW en werknemersbelasting wat namens SARS ingevorder word, terug te hou. Ons het ons uitreiking en toepassingsprogramme verskerp en ons kontaksentrums en kantore het meer as 'n miljoen uitgaande oproepe aan belastingpligtiges gemaak. Ons uitstaande opgawes-veldtog sal hierdie jaar verskerp word om hierdie kwessie onder beheer te bring. SARS werk met die Departement van Justisie saam om die vervolging van belastingoortredings te bespoedig.

Ten spyte van hierdie afneem in nakoming, kom meeste belastingpligtiges steeds hul verpligtinge getrou na. SARS wil vandag graag alle Suid-Afrikaners hartlik bedank vir hierdie reuse bydra tot die groei van ons toekoms en ontwikkeling.

Ons wil ook die toewyding en professionaliteit van ons 13 500 personeellede erken, wat erge uitdagings ten opsigte van SARS se reputasie moes trotseer en steeds die administrasie op dreef moes hou.

By hierdie verklaring aangeheg is tabelle wat die prestasie van die verskeie belasting en sektors uiteensit.

Hierdie mediaverklaring sal op die SARS-webtuiste www.sars.gov.za beskikbaar wees in die volgende tale: Afrikaans, Sepedi, Sesotho and Xitsonga.